

文淵閣

影印

四庫全書

影印

文淵閣四庫全書

第八九八冊

北京出版集團公司
北京出版社

本冊目次

太平御覽(六)

宋李昉等奉敕撰……一

欽定四庫全書

子部
太平御覽卷五百二十八

詳校官中書臣葉元符

員外郎臣牛稔文履勛

總校官檢討臣何思鈞

校對官中書臣徐步雲

謄錄監生臣李文杞

欽定四庫全書

太平御覽卷五百二十二

宋李昉等撰

禮儀部一

敘禮上

尚書舜典曰咨四嶽有能典朕三禮三禮天地神祇人鬼之禮也

毛詩國風曰相鼠刺無禮也衛文公能正其羣臣而刺

在位承先君之化無禮儀也相鼠有皮人而無儀相視無禮

欽定四庫全書

太平御覽卷五百二十二

儀者雖居尊位猶為暗昧之行箋云儀威儀也視鼠有皮雖處高顯之位偷食苟得不知廉恥亦與人無威儀

者人而無儀不死何為箋云人以為威儀為貴今反無之傷化敗俗不知其死無所害也

相鼠有齒人而無止止所止息箋云止容止孝經云容止可觀人而無止

不死何俟俟待也相鼠有體體支體也人而無禮人而無禮胡

不遘死遘速也毛詩國風曰兼葭刺襄公也未能行周禮

將無以固其國焉秦處周之舊土其人被周之德教日久矣今襄公親為諸侯未習周之禮

法故國人兼葭蒼蒼白露為霜興也兼葭蘆也蒼蒼盛也白露凝度為霜則成而黃興者喻衆民不服襄

歲事成國家待禮然後興箋云兼葭在衆草之中也蒼然疆至白露凝度為霜則成而黃興者喻衆民不服襄

公政令得周禮以教之則服也所謂伊人在水一方

周禮天官曰太宰之職掌建邦之六典三曰禮典以和邦國以統百官以諧萬民

周禮地官司徒曰司徒之職掌施十有二教焉一曰以祀禮教敬則民不苟二曰以陽禮教讓則民不爭三曰以陰禮教親則民不怨四曰以樂禮教和則民不乖五曰以儀辯等則民不越六曰以俗教安則民不偷七曰以刑教中則民不疏八曰以誓教恤則民不怠九曰以

欽定四庫全書

太平御覽卷五百二十二

度教節則民知足十曰以世事教能則民不失職十有一曰以賢制爵則民慎德十有二曰以庸制祿則民興功

周禮地官曰大司徒以五禮防萬民之偽而教之中

以節止民之侈偽其行得中鄭司農云五禮吉凶賓軍嘉

周禮春官宗伯曰以嘉禮親萬民

嘉善也所以因人心所善者而為之制嘉

禮之別以飲食之禮親宗族兄弟

親者使之相親人君有食宗族飲酒之禮

所以親之也文王世子曰族食世降一等大傳曰繫之以姓而弗別綴之以食而弗殊百世而婚姻不通者周

道然以昏冠之禮親成男女親其思以賓射之禮親

故舊朋友射禮雖王亦立賓主也王者故舊友為世

王誓曰我友邦冢君是也司冠職有議故之辟議賓之辟以燕饗之禮親四方之

賓客賓客謂以賑膳之禮親兄弟之國賑膳社稷宗

同姓之國同福祿也兄弟有共先王者魯定公十四年天王使石尚來歸賑以賀慶之禮

親異姓之國異姓王昏姻甥舅

禮記曲禮曰夫禮所以定親疎決嫌疑別同異明是非

也道德仁義非禮不成教訓正俗非禮不備分爭辨訟

非禮不決君臣上下父子兄弟非禮不定宦學事師非

欽定四庫全書

太平御覽卷五百二十二

禮不親班朝治軍蒞官行法非禮威嚴不行禱祠祭祀

供給鬼神非禮不誠不莊是以君子恭敬撙節退讓以

明禮趨也

曲禮曰人有禮則安無禮則危故曰禮者不可不學也

夫禮者自卑而尊人雖負販者必有尊也而況富貴乎

負販者尤輕也志富貴而知好禮則不驕不淫貧賤而

知好禮則志不懾懾猶

又曲禮下曰君子行禮不求變俗求猶

又禮運曰孔子曰夫禮先王以承天之道以治人之情

故失之者死得之者生詩曰相鼠有體人而無禮人而

無禮胡不遄死

相視也遄疾也言鼠之有身體如人而無禮者矣人之無禮可憎賤如鼠不如

疾死是故夫禮必本於天敬於地列於鬼神聖人則天之明因地

之利取法度於鬼神以制禮下教今也既又祀之盡其敬也教民嚴上也鬼者精魂所歸神者引物而出謂祖

廟山川五祀之屬也達於喪祭射御冠昏朝聘民知嚴上則此禮達於下故聖

人以禮示之故天下國家可得而正也

又禮運曰禮者君之大柄也所以別嫌明微儆鬼神考

欽定四庫全書

太平御覽

四

制度別人義所以治政安君也疾今夫禮如此為言禮之大義也柄所操以治

之

又禮運曰是故夫禮必本於太一分而為天地轉而為

陰陽變而為四時列而為鬼神

又禮運曰故聖人之所以治人七情修十義講信修睦尚

辭讓去爭奪舍禮何以治之

唯禮可也

飲食男女人之大欲

存焉死亡貧苦人之大惡存焉故欲惡者心之大端也

人藏其心不可測度也美惡皆在其心不見其色也欲

一以窮之舍禮何以哉言人情之難明知禮之重

又禮運曰故禮行於郊而百神受職焉禮行於社而百

貨可極焉禮行於祖廟而孝慈服焉禮行於五祀而正

法則焉

言信得其禮則神物與人皆應之百神列宿也百貨金玉之屬

又禮運曰故禮義也者人之大端也所以講信修睦而

固人之肌膚之會筋骸之束也所以養生送死事鬼神

之大端也所以達天地順人情之大寶也

寶孔穴也

故唯聖

人為知禮之不可以已也故壞國喪家亡人必先去其禮

欽定四庫全書

太平御覽

五

言愚者之反聖人也故禮之於人也猶酒之有藥也君子以厚小

人以薄皆得以為美味性善者醇耳

又禮器曰禮器是故大備大備盛德也

禮器言禮使人成器如耒耜之

為用也人情以為田修理以耕之此是也大備自耕至於食之而死

禮釋曰增美質措則

正施則行

釋猶去也回邪辟也質猶性也措置也

其在人也如竹箭之有

筠也如松柏之有心也二者居天下之大端矣故貫四

時而不改柯易葉君子有禮則外諧而內無怨故物無

不懷仁鬼神饗德先王之立禮也有本有文忠信禮之

本也義理禮之文也無本不立無文不行言必內外具也

又禮器曰禮也者猶體也若人體不備君子謂之不成

人設之不當猶不備也禮有大有小有顯有微大者不

可損小者不可益顯者不可掩微者不可大也故經禮

三百曲禮三千其致一也致之言至也一謂誠也經禮謂周禮也周禮六篇其官有

三百六十曲猶事也事禮謂今禮篇多亡本數未聞其中事儀三千未有入室而不由戶

者三百三十皆由誠也

又禮器曰君子曰甘受和白受采忠信之人可以學禮

欽定四庫全書

太平御覽
卷五百二十二

苟無忠信之人則禮不虛道是以得其人為貴也

又樂記曰是故先王有大事必有禮以哀之有大福必

有禮以樂之哀樂分皆以禮終

又經解曰禮之於正國也猶衡之於輕重也繩墨之於

曲直也規矩之於方圓也故衡誠縣不可欺以輕重繩

墨誠陳不可欺以曲直規矩誠設不可欺以方圓君子

審禮不可誣以奸詐是故隆禮由禮謂之有方之士不

隆禮不由禮謂之無方之民敬讓之道也

又經解曰故朝覲之禮所以明君臣之義也聘問之禮

所以使諸侯相尊敬也喪祭之禮所以明臣子之恩也

鄉飲酒之禮所以明長幼之序也婚姻之禮所以明男

女之別也夫禮禁亂之所由生猶坊止水之所自来也

故以舊坊為無所用而壞之者必有水敗以舊禮為無

所用而去之者必有亂患故婚姻之禮廢則夫婦之道

苦而淫辟之罪多矣鄉飲酒之禮廢則長幼之序失而

爭鬪之獄繁矣喪祭之禮廢則臣子之恩薄而倍死妄

欽定四庫全書

太平御覽
卷五百二十二

生者衆矣聘覲之禮廢則君臣之位失諸侯之行惡而

倍畔侵陵之敗起矣故禮之教化也微其止邪也於未

形使人日徙善遠罪而不自知也是以先王隆之也

又哀公問曰哀公問於孔子曰大禮何為君子之言禮

何其尊也孔子曰丘也小人不足以知禮蓋不君曰否

吾子言之也孔子曰丘聞之民所由生禮為大非禮無

以節事天地之神也非禮無以辨君臣上下長幼之位

也非禮無以別男女兄弟之親婚姻疏數之交也君子

以此之為尊敬然

又仲尼燕居子張子貢言游侍縱言至於禮言

游子游也縱言泛

說子曰居汝三人者吾語女禮使女以禮周流無不徧

也子貢越席而對曰敢問何如

對應也

子曰敬而不中禮

謂之野恭而不中禮謂之給勇而不中禮謂之逆

又曰言游問禮也者領惡而全好者與子曰然然則何

如子曰郊社之義所以仁鬼神也嘗禘之禮所以仁昭穆

也饋奠之禮所以仁死喪也射御之禮所以仁鄉黨也

欽定四庫全書

太平御覽
卷五百二十二

八

食享之禮所以仁賓客也

仁猶存也

子曰明乎郊社之義嘗

禘之禮治國其如指諸掌而已乎是故以之居處有禮

故長幼辨也以之閨門之內有禮故三族和也以之朝

廷有禮故官爵序也以之田獵有禮故戎事閑也以之

軍旅有禮故武功成也

又仲尼燕居子曰禮者何也即事之始也君子有其事

必有其治治國而無禮譬猶瞽之無相與偃偃乎其何

之譬如終夜有求於幽室之中非燭何以見若無禮則

手足無所措耳目無所加進退揖讓無所制

又坊記曰子云夫禮者所以章疑別微以為民防者也

故貴賤有等衣服有別朝廷有位則民有所讓

又中庸曰子曰吾說夏禮杞不足徵也吾學殷禮有宋

存焉吾學周禮今用之吾從周

徵猶明也吾能說夏禮顧杞之君不足與明故

也吾從周行今之道

禮含文嘉曰禮者履也

禮稽命徵曰得禮之制澤谷之中有赤鳥白王赤蛇赤

欽定四庫全書

太平御覽
卷五百二十二

九

龍赤木白泉生出飲酌之使壽長

禮稽命徵曰禮之動搖也與天地同氣四時合信陰陽

為符日月為明上下和合則物獸如其性命

太平御覽卷五百二十二

欽定四庫全書

太平御覽卷五百二十三

宋 李昉等 撰

禮儀部二

叙禮下

禮記外傳曰吉凶賓軍嘉即五禮之目也吉禮者祭祀

郊廟社稷之事是也

起自神農氏始教民種穀禮始於飲食吹簫簫擊土鼓以迎田祖致

敬鬼神祭皆用樂此伊耆氏即神農別號

賓禮者喪紀之說年穀不登大夫

欽定四庫全書

太平御覽卷五百二十三

去國之事也

黃帝始養生送死也

賓禮者貢獻朝聘之事是也軍

禮者始黃帝與蚩尤戰於涿鹿之野嘉禮者好會之事

也起自伏羲以儷皮馬始制嫁娶

亨通者嘉會之事

其後有冠

冠者代父之事昏有繼世之道物有代謝之期悲發於中乃非純吉故為喜慰之事者也

鄉飲酒鄉

射食者老王燕族人之事是也

四者亦嘉會族人之事也

但前代象

天其禮質而畧後代法地其事煩而文唐虞之際五禮

明脩周公所制文物極矣

左傳文下曰齊侯侵我西鄙遂伐曹入其郛討其來朝

也季文子曰齊侯其不免乎已則無禮而討於有禮者

曰女何故行禮禮以順天天之道也已則反天而又以

討人難以免矣

又文公曰先大夫臧文仲教行父事君之禮行父奉以

周旋弗敢失隊曰見有禮於其君者事之如孝子之養

父母也見無禮於其君者誅之如鷹鷂之逐鳥雀也

又宣十六年晉侯使士會平王室定王享之原襄公相

禮敬蒸

蒸升也升般於俎

武子私問其故

享當體薦而般蒸故後問之武士會識季其

欽定四庫全書

太平御覽卷五百二十三

字王聞之名武子曰季氏而弗聞乎王享有體薦

享則半解

其體而薦之

宴有折俎

體解節折升之於俎物皆可食所以示慈惠也

公當享

卿當宴王室之禮也武子歸而講求典禮以脩晉國之

法

又昭二年晉侯使韓宣子來聘

公即位故

且告為政而來見

禮也觀書於太史氏見易象與魯春秋曰周禮盡在魯

矣吾乃知周公之德與周之所以王也

又昭公四年楚靈王使問禮於左師與子產左師曰小

國習之大國用之敢不薦聞獻公合諸侯之禮六

其禮儀

也宋公故獻公禮

子產曰小國共職敢不薦守獻伯子男會公

之禮六

鄭伯爵故獻伯子男會公之禮

又昭五年公如晉自郊勞至於贈賄無失禮晉侯謂女叔齊曰魯侯不亦善於禮乎對曰魯侯焉知禮公曰何為自郊勞至於贈賄禮無違者何故不知對曰是儀也不可謂禮禮所以守其國行其政令無失其民者也

又昭七年曰孟僖子病不能相禮乃講學之苟能禮者從

欽定四庫全書

太平御覽
卷五百二十三

三

之及其將死也召其大夫曰禮人之幹也無禮無以立

吾聞將有違者曰孔丘

僖子沒時孔子年二十五歲

聖人之後也我

若獲沒

得以壽終

必屬說與何忌於夫子使事之而學禮焉

以定其位

又昭二十五年鄭子太叔見趙簡子問揖讓周旋之禮

焉對曰是儀也非禮也簡子曰敢問何為禮對曰吉也

聞諸先大夫子產曰夫禮天之經也地之義也民之行

也天地之經而民實則之簡子曰甚哉禮之大也對曰

禮上下之紀天地之經緯也民之所以生也是故先王尚之

又昭二十六年齊景公曰善哉吾今而後知禮之可以為國也晏子對曰禮之可以為國也久矣與天地並君令臣恭父慈子孝兄愛弟敬夫和妻柔姑慈婦聽禮也君令而不違臣恭而不二父慈而教子孝而箴兄愛而友弟敬而順夫和而義妻柔而正姑慈而從婦聽而婉禮之善物也

欽定四庫全書

太平御覽
卷五百二十三

四

又定下曰公會齊侯於祝其實夾谷

夾谷即祝其地

孔丘相會

也

犂彌言於齊侯曰孔丘知禮而無勇若使萊人以兵

劫魯侯必得志焉

又定下曰邾隱公來朝子貢觀焉邾子執王高其容仰

公受玉卑其容俯子貢曰以禮觀之二君者皆有死亡

焉夫禮死生存亡之禮也將左右周旋進退俯仰於是

乎觀之今正月相朝而皆不度心已亡矣

又哀上曰太宰嚭

吳大夫

名季康子季康子使子貢辭

太宰詒曰國君道長而大夫不出門此何禮也對曰豈以為禮畏大國也大國不以禮命於諸命苟不以禮豈可量也寡君既共命焉其老豈敢棄其國太伯端委以治周禮仲雍嗣之斷髮文身羸以為飾豈禮也哉

春秋說辭題曰禮者所以設明而體天地節目之端也論語有子曰禮之用和為貴先王之道斯為美小大由之有所不行知和而和不以禮節之亦不可行也

子曰道之以政齊之以刑民免而無耻道之以德齊之

欽定四庫全書

太平御覽
卷五百二十三

以禮有耻且格

又子曰夏禮吾能言之杞不足徵也殷禮吾能言之宋不足徵也

又子張問十世可知也子曰殷因於夏禮所損益可知也周因於殷禮所損益可知也其或繼周者雖百世亦可知也

又曰顏淵問仁子曰克己復禮為仁一日克己復禮天下歸仁焉為仁由己而由人乎哉

顏淵曰請問其目子曰非禮勿視非禮勿聽非禮勿言非禮勿動顏淵曰回雖不敏請事斯語矣

又子曰禮云禮云玉帛云乎哉言禮非但崇此玉帛而已所貴者乃責其安上

治民而已矣

漢書曰漢王已并天下諸侯共尊為皇帝於定陶叔孫通就其儀號高帝悉去秦儀法為簡易群臣飲醉爭功或妄手拔劍擊柱上患之通知上益饗之說上曰夫儒者難與進取可與守成臣願徵魯諸生與臣弟子共起朝

欽定四庫全書

太平御覽
卷五百二十三

儀上曰可試為之令易知度吾所能行為之七年長樂宮成諸侯羣臣朝十月大行設九賓臚句傳於是皇帝輦出房百官執戟傳警引諸侯王以下至吏六百石以次奉賀自諸侯王以下莫不震恐肅敬至禮畢盡伏置酒文穎曰作酒令法也蘇林曰當會酒天子中起更衣然後入置酒諸侍坐殿上皆伏抑首以尊卑次起上壽觴九行謁者言罷酒御史執法舉不如儀者輒引去竟朝置酒無敢誼譁失禮者於是高皇帝曰吾乃今日知為皇帝之貴也拜通為太常賜金

五百斤通出皆以五百金賜諸生諸生乃喜曰叔孫生聖人知當世務也

又曰王者必因前王之禮而順時施宜有所損益節人之心稍稍制作

又曰宣帝時諫議大夫王吉上疏願述舊禮明王制驅一代之人躋仁壽之域

范曄後漢書曰曹褒傳曰詔召玄武司馬班固問改定禮制之宜固曰京師諸士多能說禮宜廣招集乃能共

欽定四庫全書

太平御覽
卷五百二十三

七

議得失帝曰諺言作舍道傍三年不成會禮之家名為聚訟互生疑異筆不得下昔克作大章一夔足矣章和元年正月乃召褒詣嘉德門令小黃門持班固所上叔孫通漢儀禮十二篇教褒曰此制散畧多不合經今宜依禮條正使可施行於南宮東觀盡心集作

典畧曰孔子過宋與弟子習禮於大樹下宋司馬桓魋使拔其樹去適鄭

六韜曰太公對文王曰禮者治之粉澤也

管子曰禮者因人之情緣義之理為人節文者也孟子曰惻隱之心仁之端也辭讓之心禮之端也

孫卿子曰禮者人主以為羣臣尺寸尋丈檢式也禮有三本天地生之本先祖類之本君師治之本故國之本在禮也

又曰人生有欲則求求則爭爭則亂亂則窮先王惡亂也故制禮義以養之禮者養也稻粱五味所以養口也椒蘭芬馨所以養鼻也雕琢刻鏤黻黼文章所以養目也疏房越席沐浴机筵所以養體也

欽定四庫全書

太平御覽
卷五百二十三

八

莊子曰三王五帝之禮儀法度不同於同而同於治故辟三王五帝之禮儀法度其猶枹棊橘柚果瓜之屬耶其味相反而皆可於口

文子曰老子云為禮者雕琢人性矯拂其情目雖欲之禁以法心雖樂之節以禮越朔周旋屈節異儀肉凝而弗食酒散而不飲外束其形中愁其意汨陰陽之和而迫性命之情

慎子曰禮從俗政上國有貴賤之禮無賢不肖之禮有長幼之禮無勇怯之禮有親疎之禮無愛惡之禮也

淮南子曰禮者體情而制文者也

又曰夫水積則生相食之虫

言大魚食小魚

土積則生食肉之

獸禮飾則生偽惡之儒夫吹灰而欲無昧涉水而欲無濡不可得也

說苑曰齊景公登耐晏子脩食禮以侍公曰禮寡人厭之矣吾欲得天下勇士與之圖國晏子對曰君子無禮

欽定四庫全書

太平御覽
卷五百二十三

九

是庶人也庶人無禮是禽獸也禮而治國所以御民也

轡者所以馭馬也無禮而治國家者嬰未嘗聞也景公

曰善乃飾耐更席以為上客

尸子曰秋為禮西方為秋秋肅也萬物莫不肅敬禮之

至也

韓詩外傳曰晏子聘魯下堂則趨授立則跪子貢怪之

問孔子孔子問晏子晏子對曰夫上堂之禮君行一臣

行二也今君之受幣也卑臣敢不跪乎孔子曰善禮中

又有禮也

董生書曰理者天所為也文者人所為謂之禮禮者因人情以為節文以救其亂也夫隄者水之防也禮者人之防也刑防其末禮防其本也

白虎通曰夫禮者陰陽之際也百事之會也所以尊天地賓鬼神序上下之道也

袁淮書曰禮者緣人情而為節度者也嚴父愛親之情也尊親敬長之義也

欽定四庫全書

太平御覽
卷五百二十三

十一

物禮論云禮者履也律也義同而名異

孫卿禮賦曰爰有大物非絲非帛文理成章非月非日為天下明生者以壽死也以葬城廓以固三軍以強粹

而王駁而霸無一焉而亡也

太平御覽卷五百二十三

欽定四庫全書

太平御覽卷五百二十四

宋 李昉等 撰

禮儀部三

祭禮上

毛詩召南曰采蘋大夫妻能循法度也能循法度則可以承先祖供祭祀也于以采蘋南澗之瀕于以采藻于彼行潦

欽定四庫全書

太平御覽卷五百二十四

又小雅天保曰吉蠲為饌是用孝享禴祀烝嘗于公先

王春曰祀夏曰禴秋曰嘗冬曰烝公事也箋云公謂后稷也君曰卜爾萬壽無疆猶

也期

又小雅吉日曰吉日維戊既伯既禱

又小雅大田曰來方禋祀以其騂黑與其黍稷以享以

紀以介景福

又小雅楚茨曰濟濟跄跄潔爾牛羊以往烝嘗或剥或

烹或肆或將祝祭于祊祀事孔明

又小雅信南山曰祭以清酒從以騂牡享于祖考執其

鸞刀以啓其毛取其血膋鸞刀以有鈴者言割中節也箋云毛以告殷膋以升與合

之黍稷實之於蕭合馨香也

是烝是享苾苾芬芬祀事孔明

又生民曰生民尊祖也后稷生於姜嫄文武之功起於

后稷故推以配天厥初生民時維姜嫄生民如何克禋

克祀以弗無子克能也弗之言被也履帝武敏歆攸攸止載震

載風載生載育時維后稷

欽定四庫全書

太平御覽卷五百二十四

又清廟曰清廟祀文王也周公既成洛邑朝諸侯率以

祀文王焉

又清廟曰烈文成王即政諸侯助祭也新王即政必以朝享之禮祭于

祖考告烈文辟公錫茲祉福惠我無疆子孫保之烈光

王錫之也

又臣工曰振鷺二王之後來助祭也二王殷夏也其後祀也宋也振

鷺于飛于彼西雝我客戾止亦有斯容箋云振鷺于西雝言得其處也

興者喻祀宋之君有潔白之德來助祭周之廟也

又潛曰潛季冬薦魚春獻鮓也猗與漆沮潛有多魚有

鱣有鮓鯨鯢鯉以享以祀以介景福介助也景大也

尚書舜典曰望于山川徧于羣神

又孔安國傳曰望者遠也望而祭之也羣神丘陵墳衍之屬

又說命曰黷于祭祀時謂弗欽

又孔安國曰祭不欲數數則黷黷則不敬也

又洛誥曰祀于新邑咸秩無文

欽定四庫全書

太平御覽
卷五百二十四

又孔安國曰以祀典禮以祀新邑皆次秩不在禮文者

而禮之

又多士曰罔不明德恤祀

又孔安國曰自帝乙以上無不顯用有憂德念齊敬奉

祭祀言能保宗廟社稷也

尚書大傳曰祭之為言察也察者至也人事也人事至

然後祭祭者薦也薦之為言在也在者在其道也

又云五行傳曰簡宗廟不禱祠廢祭祀逆天時則水不

潤下

又五行傳曰六瀾之禮散齋七日致齋三日新器潔以

祀用

又赤泰三日之朝於中庭祀四方從東方自南至西卒於北方

禮曰格祀篇云今亡曰某也方祀曰播國宰相行事其祝也

曰若爾神靈洪範六瀾是合神靈位木精靈威仰火精赤熛怒土精含絪縕金精

白招拒水精汁光紀及木帝太皞炎帝火帝土帝黃帝金帝少昊水帝顓頊木官勾芒火官祝融土官后土金官

欽定四庫全書

太平御覽
卷五百二十四

稷收水官玄冥皆是也

又云無差無傾無有不正若民有不敬事神則會批之

于六瀾言民廣及天下有過者也事六事也會合也批推也言天下之有過神靈亦合推內于外天子

以為下六事之機以縣示我我民人不敢不敬事上下

王祀

周禮天官冢宰曰以八則治都鄙一曰祭祀以馭其神祀其

先君社稷五祀以九式均節財用一曰祭祀之式

又天官上內饗曰凡宗廟之祭祀掌割烹之事凡燕飲

食亦如之

又天官上獸人曰凡祭祀喪紀賓客共其死獸生獸其

完凡獸入于腊人皮毛筋角入于玉府給作器用

又天官上亨人曰祭祀共大羹鉶羹賓客亦如之大羹肉音

也鄭司農云大羹不致五味也

又地官上牧人曰牧人掌牧六牲而阜蕃其物以供祭

祀之牲牲六牲謂牛馬羊豕犬鷄凡陽祀用騂牲毛之陰祀用黝

牲毛之望祀各以其方之色牲毛之色純也陰祀祭北郊地陽祀春夏也

欽定四庫全書

太平御覽
卷五百二十四

黝讀為幽幽黑色也凡時祀必用牲物凡外祭毀事用尤可也

又云凡祭祀共其犧牲以受充人繫之凡生不繫者共

奉之謂非時而祭祀者

又地官上曰牛人掌養國之公牛以待國之政令凡祭

祀供其享牛求牛以授職人而芻之

又云凡祭祀供其牛牲之牙與其盆簠以待人牙謂福衡之屬

盆簠皆器名

又地官下閭師曰凡庶民不畜者祭無牲不耕者祭無

盛矣

又春官上大宗伯曰大宗伯之職掌建邦之天人神鬼

地祇之禮以佐王建保邦國

又云以禋祀祀昊天上帝以實柴祀日月星辰以粢燎祀

司中司命風師雨師以血祭祭社稷五祀五嶽以貍沉

祭山林川澤以醯辜祭四方百物

又曰凡祀大神亨大鬼祭大祇帥執事而卜日宿視滌

濯淝玉鬯省牲鑊奉玉齎詔大號治其大禮詔相王之

欽定四庫全書

太平御覽
卷五百二十四

大禮若王不與祭則攝位王有故代行其祭祀

又云凡大祭祀王后不與則攝而薦豆籩徹薦徹豆籩后之事

國有大故則旅上帝及四望王大封則先告后土乃頒

祀于邦國都家鄉邑

又春官下太祝曰太祝掌六祝之事大師宜于社造于

祖設軍社類上帝國將有事於四望將行也四望日月星辰也及軍

歸獻于社則前祝獻于社主

又春官曰家宗人掌家祭祀之禮凡祭祀致福大夫采地

之祀與都同若先王之子孫亦有宗廟

禮記月令曰孟春之月其祀戶祭先脾仲春之月天子

獻羔開冰先薦寢廟上丁命樂正習舞釋菜天子乃帥

三公九卿諸侯大夫親往視之順時達物也仲丁又命樂正

入學習樂是月也祀不用犧牲用圭璧更皮幣

又月令曰孟夏之月其祀竈祭先肺陽氣盛熱于外祀于竈從熱類也祀

之先肺者陽位在上肺為尊也

又月令仲夏祀皇地祇於方丘夏至之日祀皇地祇于方丘以高祖神祇皇帝

欽定四庫全書

太平御覽
卷五百二十四

七

配坐以岳瀆等神從祀

又月令曰仲夏月命有司祭先牧

又月令季夏月其祀中雷祭先心中雷中室也祭中雷是為祖先進心是

月也祀黃帝于南郊謂季夏土德王日則祀黃帝也含經紐于南郊以軒轅配坐以后土

鎮星從祀也

又月令曰孟秋其祀門祭先肝秋陰氣出祀之于門外陽也祭先肝者秋為陰

中于藏值肝祀門是為祖先進肝也

又月令曰孟冬其祀行祭先腎冬陰氣盛寒于外祀之行從辟除之類行謂

道也祭先腎者陰位在下腎亦在下為祖進腎

又月令曰孟冬日祀神州地祇於北郊立冬日祭神州地祇于北郊

郊太宗文武聖皇帝配坐是月也命有司祭司寒孟冬祭司寒于北郊是月

也命有司祭司中司命司人司祿冬後玄日記司寒

等于國城西北

又月令曰仲冬月命有司祈祀四海大川名源淵澤井

泉順其盛德之時氣也

又曲禮上曰臨祭不惰祭服敝則焚之祭器敝則理

之

太平御覽
卷五百二十四

八

又曲禮下曰無田祿者不設祭器有田祿者先為祭服

又曰君子雖貧不鬻祭器雖寒不衣祭服去國祭器不

踰竟大夫寓祭器於大夫士寓祭器於士

又曲禮下曰天子祭天地祭四方祭山川祭五祀歲徧

諸侯方祀祭山川祭五祀歲徧大夫祭五祀歲徧士祭

其先

又曰凡祭有其廢之莫敢舉也有其舉之莫敢廢也非